

مجموعه بیاد الخیل

ادبی و سیاسی رساله اسبوعیه در

۳۱ نجی سنه

۷ محرم ۱۳۳۰

پنجشنبه

جزء عدد : ۱۲۷

لزو مسز شدتلر

ترجیه ده بعض عامیانه مثلار واردرکه هر زمان محل تطبیق بوله بیلیر . از جمله شو : (کسکین سرکه قابنه ضرر ایدر .) مثلی بوقیلدنذر . مادیاتده معنویاتدهده تمثیل اولمغه صالحدر .

بر زماندن بری حکومتک مطبوعات حقنده ابراز ایتدیکی معاملیه دقت ایدیله جک اولورسه بو سرکه مثلنک شمیدیکی حالده ارباب مطبوعاتده تجلی ایدن حکمی قریباً ارباب حکومتده دها شدید صورتده اجرای تاثیر ایده جکنه قائل اولماز لازم گلیر .

کچن کون مشهور (هازی آومهل) ک : — ایستو آر دولایر مس فرانسه ز — فرانسه تاریخ مطبوعاتی — نامنده کی اثرنی قاریشیدریور ایدک . بیك سکز یوز اوتوز وقعه سنی انتاج ایله اونجی شارلی مقام حکمداریدن اسقاط ایدن و تاریخده « تموز کونلری » دیه شهرت بولان اختلالدن و کذا لونی فلیک خلغنه منجر اولان

۴۸ اختلالیدن اول ده مطبوعات فارسی فرانسه حکومتك اتخاذ ايتديكي معامله عينيله شو برايكي آي ظرفنده گورمكده اولديئمز شعبده نابقانونه مشابه بولدق ! هرگون حكومت برايكي غزته تعطيل ايدبور و ايرتسي گونف ده يرينه اوج درت بگي غزته ظهور ايدبوردي .

هله نموز اختلالیدن براز اول بارسنده غزته مطبعه ليرينه برر نفر اقامه ايدلمش و طبع ماكنه ليرينك باشنده تفنكلي برر نواجي بكتنديرلمشدي .

نتيجه نه به منجر اولدي . اونجی شارلك خلع و طرديله برابر بوشدتلری منفعت . مخصوصه ليرینی تحكيمه آلت ایدن و حكمداری صفر زائد حالنه كتير و بده كنديلری برر حكمدار كيسلان مكبان منفعتك سوراخ اختفایه چكيله رك ميدانی ارباب انقلابه ترك ايتمه ليرينه ! . . .

شوراسی سزوار ادرا كدر كه نه مطبوعات اوینامغه كلیر اوینجق لردندر . نه ده بركره جوش و خروشه كلان افكار عمومیه تحديده قبول ايدر ، او بركره منبعندن قونجه مجراسی نه قدر صقشدیريليرسه شدنی اونسبتده آرتان سيل خروشانه بگزر . سد چكمك ايستيانلری ده سوركليوب گوتورير . فقط يالگنز آنلری سوركليوب گوتورسه ، [الجزء من جنس العمل] دير كچردك .

نه چاره كه بلاسی بوبدبخت مملكت چكك چك . چونكه هيچ برشی اولماسه برچوق ياييله جق شيلرك برمدت دها سكتهدار تاخر اولمسيه مملكتك منفعتی هدر اولوب كیده چك .

صدر اعظم پاشا حضرتلری افكار عامه دينلان و تزلزل شانندن اولميان قدرت عمومك نديمك اولديغنی تأمل ايتمز لرمی كه مملكتده آن پان فكر منافسه و محاسديه توليد ایدن عوامل انفعاليه يی - برطاقم تدابير زجریه ايله - عاداتافديه ايدبورلر . اداره عريفه دينلان اداره فوق القانون ، هر برده اطفاء اغتشاش امرنده اتخاذ ايديلان صوك تدبيرلردندر . بوراده ده اعاده و تقرير آسایش ايچون ۱۲ نيسانده آياستفانوسده اعلانی قرارگير اولمشدي . كه صدر اعظم حضرتلری مجلس ملی به رياست ايدبورلردی . حتی اعضادن بری ۹۴ اداره عريفه سنك اسباب

موجبہ سنی نخطر ایتدیرمک مقصدیلہ - ردیف پاشا ادارہ عرفیہ سنہ بگز تیلیم !
مدتلہ تحدید ایدلم . زیرا اوتوز اوچ سنہ دوام ایتشیدی - قولنی ایراد ایتشیدی .
اوق آدمک بو اخطار وتدکار ایلہ نینی مراد ایتش اولدیغنی کیسه بیلسده صدر اعظم
حضرتری پک اعلا بیلردی . حتی در حال تیقظ ایتشردی . و اوق آدمده بالطبع دها
زیاده ایضاحه لزوم گورمدی . چونکہ حال و موقع مملکت ، محاسبات عتیقہنی
رؤیتہ متحمل دکلدی . بالعکس - ماضی ماضی - قولیلہ عامل اولہرق . قطع
محاسبہ سیات قبیلندن دفتراک اویباراغنی قاپامق . و واردات مستحسنہ قید ایتمک ایچون
دیگر بر یاراق آچق لزومی تسلیم ایتشیدی .

سعید پاشا حضرتری ایسه موقع اقتدارہ کچر کچمز ادارہ عرفیہ ننگ دوامنی
موجب اولان دغدغلری سکون و اعتدالہ تحویل ایدہ بیله جک تداییری اتخاذ بدل
ادارہ عرفیہ ننگ شکیمہ سنی قبضہ تصرفلریسنہ آلہرق برقات دها شدتلہ دوامنی
الزام ایلدیلر . و در حال مطبوعات ایچون بر قرار فوق العادہ اعلان و ہیئت وکلا
حقنہ نشریات انتقاد کارانی منہ اہتمام بیوردیلر .

بو اعلان ، حریت مطبوعاتی نقض ایدن تداییر عرفیہ دن اولدیغدن ، بالطبع
مطبوعاتدن بر قسمک باعث انفعال واشتکاسی اولدی . و یگیدن بر زمین انتقاد
کشادینہ سبب ویردی . کہ بر طرفدن خلا فکیران نشریاتندہ شدتلہ دوام . دیگر
طرفدن دہ حکومت تعطیل نشریاتندہ اصرار ایدرک بر بیلہ مسابقہنی الزام ایلدیلر .
قانون . ولو کہ عرفی اولسون مطاع اولق ایچون اوصاف لازمہ مکانت
و بیطرفی بی محافظہ ثابت بولمخلی در . حال بو کہ بزدہ قانون عرفی دخی لازمہ
مطاعتنی حقیلہ حائز اولوبدہ آلت اغراض اولمقدن کندیخی مصون بولندیرہمدی .
ہرگون قوہ اجراییہ . ماشہ سی حکمنده اولان داخلہ نظارتہ یارمغنی اوینتدیرمہ سیلہ
ادارہ عرفیہ . مطبوعاتدن برینہ معاملہ زجرہ سنی رایکان طوتمقدہ در .

حال بویلہ ایکن قوہ اجراییہ ننگ دلال محاسنی اولان بعض مطبوعات مقام
اجرانک ارکان سابقہ سندن وینہ بوملککتک یتشدردیکی اعظم ملتدن واجب الاحترام
ذوات حقنہ انواع دشنام و تحقیری ابدالہ قصور ایتبور . بونکله ایسه صدر اعظم

حضرت تری مع التأسف منتقمانه تسکین غیظ ایتدیکی گبی، ینه مع التجب اداره صرفیده سکوت ایلور. و (تخدیش اذهان) نامی ویردیکی مضاد اغتشاش علاجنه مراجعت ایتور.

شایان حیرتدر، که سعیدپاشا حضرت تری، حافظه دولترینه و هن طاری اولدیفنه احتمال ویردیرم جک نسیانلرده بولنیورلر. بوندن بریحق سنه مقدمه کانهجه به قدر، بوگون مداح محاسن افعالی اولان غزلهلرک حق دولترلنده کی نشریانی و کندیلرینکده بالمقابل، اعلان نفرین یولنده حتی لغات غریبه استعماله احتیاج گوره جک مرتبهده حاصل ایتدکری انکسار و انفعالی نه چابوق هضم ایلدیلر.

وقبله چاشنی سنج اولدقلری زهر دشنامک موجب اولدیفی آلام، بوگون اوزهرله بشقه سینک دخی تسمیم ایدلمسی اوزرینه کسب سکون و خفتمی ایدر؛ صانیورلر؟ کیم تأمین ایدرکه یارین موقع اقتداردن چکملرله هیچ بر باد زهرک شفا بخش اوله میه جفی درجده شدیدالتأثیر بر قلم هلاهل رقله تسمیم ایدلمیه جکاردر. نیچون (من جرب المحرب) خطرگاه ندامته دوشه جک قدر مغرور اقبال و یا مغلوب غفلت اولیورلر.

مملکت بوگون هر زماندن زیاده سکون و آسایشه محتاجدر. آتی استحصال وادامه نه به متوقف ایسه سعید پاشاکی تجربت آموز روزکار اولان بر سیاسی صاحب اشهار موقع تطبیقه قوتیلدر.

مطبوعاتک قوتی، افکار عامه نك سورتی کسر و تحدید ایتک ایستیورلرسه شاگرد سیاستلری اولان عبدالحمید نایدک حرکتی نظر اعتباره آلمیدرلر. او، اجراآت عزازیل پسندانه سی برآنده، برگونده حتی برآیده بر سنده یامدی. یواش یواش، بالتدریج سندهلرله، صبر و ثباتی ایله یاپدی. اگر برآنده برگونده یامغه قالقشمش اولسه ایدی بالطبع بخارک تضییقندن حاصل اولان نتیجه کی افکار عامه نك حاصل ایده جکی شدتی پک چابوق ادراک ایدردی. ذات دولترینی خلاف قانون طبیعت اولان بوشده مراجعتدن تحذیر ایدرز.

مطبوعاتده غریب برخاصه واردرکه قوه محصله سی افکار عامدر، هر نه زمان

او قوته تعرض ایدلک ایستیرسه نفسنده اولان علوی ماهیتی بردن بره اظهار ایدر، قارشینه کچمک ایستیان قوته مقاومتدن چکنمز . فقط هر نه زمان آنک نخوتی اوقشانیر و قوتندن استفاده آرزو گوستریلیرسه در حال حاکم ایکن خادم منزله سینه تنزل ایدر . مملکتک تعالی شانه صرف ماحصل اقتدار ایتک ایستیان ارباب حکومت هردلو خدمت و معاونتده بولنور .

بویله بر قوتدن و آنک واسطه ایفاسی اولان مطبوعاتدن عاقلانه استفاده ایتک و ارایکن آکا آلت کاسره حواله سینه تصدی ایتک ، عینله بیننی یدیر مملکه انسانی تغدیه ایلک قیلندندر . بوگا ایسه احتمال ویریه بیلیرمی ؟

ابوالضیا

§

ضمیمه

کچن گون بر بحث صر مسنده رفقای محترمه دن بر ذات :- بو مملکتده افکار عمومیه نك حکمی یوقدر ؛ چونکه افکار عمومیه یوقدر . آتی لزومه مبنی وار گوسترن بزلرز . بویله اولیان بر شیتک وارلغه اینانه رق آندن احتراز ایده جک اولور ایسه ک بشقه سنی اخافه ایچون ایجاد ایتدیکی اوماجیدن کندیزی قورقق کبی کولنج بر حال گوسترمش اولورز . - دیمشدی .

بن بحثی ایلری کوتورمدم . زیرا دهها مهم بر مسئله موضوع بحث ایدی . ثانیاً صورتده مغروران اولان بوقولک پک احقانه اولدیغه بنفسه کندی دلیل ایدی . چونکه : بر یرده افکار عمومیه نك وجودنی انکار افرا دده فکرک وجودنی انکار ایتمه نك عینی در . مادامکه هر کسده فکر واردر . بالطبع اوفکر لر بر چوق مسائلده و یا بر قاچ ماده و مجنده اولسون متفق بولنه بیولرلر ، هر کسده بر فکر

بولنه بیلدیکنی قبول ایتمیان بر آدم ، کندینک افکار عمومیه بی انکار ایدن قولنک نتیجه فکر اولسنه نظراً او قولیه کندی ادعاسنی رد ایتمش اولور . مادام که کیمسه ده فکر یوقش ، یا کندنده نیچون موجود اوایور . اگر کندیسیده کندنده فکر اولمدیغنه قانع ایسه سرد ایتدیکنی دعوانک نه حکمی قالور .

برادیب حکیم دیمشدرکه :- عموم نه قدر جاهل ونه قدر اخلاق فاسده ایله معیوب اولسه دنیاده هیچ برشینک رعایت وطلبنده ویا افکار وردنده اتفاق ایتدیکنی شیلردن هیچ برینی تعرضدن حفظ ویا فسخنده مقاومت ایلیه میه جک درجه لرده ذلت وانسفال حالنه متزل ایده مدیکنی ، نقیضنی گوستره جک هر درلو دلائل و اماراتک فقدانیه مثبتدر . بناء علیه افکار عمومیه هر یرده ، هر قومده موجوددر . شو قدرکه اقوام فاضله ده تعالیٰ وطنی موجب اوله جق احوالده اتفاق ایتدیکنی حالده جاهل بر قومده بعضاً وطنک بلاسنه و کندیسنی استخفاف ایدنلرک فناسنه سبب اولور . آنک ایچون افکار عمومیه بی استحقار جائز دکلددر . هله انکار الک بیوک حماقتدر .

